

白  
華  
前  
稿

白華前稿卷第三十

南涯 吳省欽 冲之

古今體詩南船集一

屠維單闕

雞樹栖遲三改候火春暉奄逝予季始自楚抵都  
南船返旄割崇讓宅三數椽以居其地在郡西郭  
之錢涇橋負土無期麻衣遠適凡五十日而達長  
沙明年十月始返取道自南蓋無非船焉者

爲秀水錢編修擇石

載題畫二首

會稽王元章墨梅

枯梅一椿春一團冰花箇箇生春寒朔風吹雪大如掌  
絮衾夢擁江南山玉堂仙人致蕭暇牛鳴距我垂雙鑲  
讀畫畫又目親展惜花花市時從觀拂衣徑欲遂歸計  
水邊竹外臨柴關梅花道人逝雲水草庵那不縈心顏  
目成之要歷年所神物入手天無怪惟王參軍最狂誕  
騎牛擊劍招譏彈辭官肯遊狐兔窟健句獨比鷓鴣搏  
尤於畫梅寄標格臙脂沒骨摹吳紈金張許史供一唾  
聲價要自傾長安吁嗟此圖更奇特鐵皮瑤蕊光爛爛  
猊龍蟠雲吐靈氣無首無尾神中完橫枝詰屈影湛湛  
繁英歷亂香漫漫吹將鐵笛斷相續栖來翠羽啼初殘

似晴非晴雨非雨  
滉瀲元氣渾無端  
得毋玉妃昨淪謫  
姿制一一翩跚  
月掩瑤臺夜遼落  
光搖銀海春闌珊  
昔賢涉筆事遊戲  
亂頭粗服殊等閒  
梅君全相妙髣髴  
摩挲三嘆驚豔頑  
吁嗟乎哉梅花王  
不可班梅花屋不  
可還

拍手大叫梅花王王句  
王又有自題梅花屋詩

寂寥冬心滿襟抱配成清

供邀古權不然騎驢誓將去  
細嚼萬朵忘朝餐

### 崑山謝仲和墨竹

畫家畫竹若無竹  
烟雨迷濛翳晴旭  
石公於竹稱素心  
磊砢欹崎聚成族  
江南謝老風流最  
肯使文蘇擅場獨  
壁間天矯凌蒼龍  
腕底璚瓏削青玉  
卽如此圖挺奇秀

竹無幾叢筍無束轉因矜貴見天然瘦影凌兢漲寒綠  
一竹稍俯一竹高節節枝枝看難足斜如翠袖迎風颺  
整如鸞尾分行肅疎如紗格森羅羅密如錦棚脫簌簌  
竹間石骨標峻嶒石上竹心露節目竹有未盡石蔽之  
除是幽蘭伴遐躅馬曹歎咏興欲騰米老顛狂拜相屬  
烟江二月雷發聲傍水人家枕冷淥勾萌一夜抽貓頭  
三尺長鑱帶泥刷脩脩北舍拂茅檐瑟瑟南園隱花屋  
羊求三徑來過從淨埽苔衣放碁局此君小別動經歲  
那便抽簪事樵牧渭川千畝封未成巧使墨君更醫俗  
後來二夏其亞流玉峯洵是貧簞谷聞君京邸饒戰材

葉露梢烟滿車軸鎖闌昨歲秋氣深醉染雲藍沁衰幅  
編修嘗於闌中作藍竹要知能事多得師竿頭日進語非諦附君  
縹碧勸君飲日暮天寒太長觸莫嫌飢鳳長蕭條問取  
平安竹枝曲

賀蘭

賀蘭山外碧油幢頌繫重重鎖畫牕攏髮似聞丹仗數  
陳尸猶見玉棺扛鑄成一錯終颺敵障在三生始殺降  
孤負盛朝推轂意十年遺愛論南邦

陶然亭晚雪同素軒力農訂寒食後遊

高鳥遺好音罷飯恣行樂樂行將邀懼入境莽蕭索隄

廢沙亦崩寒鹵積荒漠或云攻皮工於此刮膚膜坐令  
土不毛慘澹語檐鐸金源舊窯廠利用建臺閣此亭僅  
百年戢戢聚行腳頗速六街塵長日事絃酌消夏信有  
徵辟寒會安託我儕勇冥按竝載蹄盡卻顛風揚簪灰  
兩眼病如矐同雲一以升春裘悔單弱王師方西征  
鐵衣警金柝豈無大梁公夜走賊營斫拓戟歌正酣驚  
起數籬雀羯鼓吾欲催仙杏彈紅萼

西苑直廬見王述庵

親

褚筠心

廷璋

倡和詩次

韻戲韋約軒

謙恒

曹習庵

仁虎

天半雲璈曲幾終碧紗詩暈繚垣紅韋公畫戟曹公檠

不到奚囊錦段中

如麻官紙界烏絲  
禿盡中書畫影遲  
欲乞閑身過穀雨  
房山綠遍牡丹枝

筠簾木几映篝燈  
一笑官人冷似冰  
賴有高車分豹直  
往來同學打包僧

雨坐懷海上諸子

珥筆登國門  
昔年別鄉土  
山光來自西  
油然暗春宇  
嗟我違故人  
音塵太修阻  
不如北地雲  
往爲南中雨  
芳池泳潛鱗  
茂林振綿羽  
萬族各有偕  
離羣黯無語  
輪蹄喧大都  
花藥淡幽塢  
倘懷京雒遊  
絃柱或停撫



寒食海淀道中

破帽疲驢笑拂鞭  
春城纔散五侯烟  
芙蓉塘外輕雷轉  
幾陣香車上墓田

魚尾晴霞燕尾流  
鞦韆庭院綠楊稠  
酒旗一角人千里  
不解金龜不破愁

潭柘春游夢未成  
漢宮傳蠟又心驚  
風箏略似蘼蕪草  
吹到江南第幾程

朱樓大道關繁華  
冷節匆匆苦憶家  
草長鶯飛三月候  
無人喚賣擔頭花

鷓鴣送包米

月米詔東方新秬久不嘗連包疑橘柚解裹見餽糧轉  
漕從南舫加餐勸北堂此情逾乞米何德報馨香

泉之自楚至京邸

剝啄聲連哽咽聲披帷搶地痛難名終天心事如陳死  
遠道風塵太瘳生換後麻衣同敝罔病時絮語尚分明  
中男到後應瞑眼六月雙扶一旄橫

宿遷夜泊

零落麻衣候算舟鍾吾城外小勾留露涵夜氣明於旦  
風助河聲壯欲秋綠葦長菱官開廠白楊細柳戍藏樓  
計程唱遍江南好獨倚疎燈照客愁

夜過淮上

珠斗離離夜近闌  
河橋無影霧迷漫  
魚跳遠渚驚殘月  
蟲背孤邨訴早寒  
浮世總隨風景變  
近家始信道途難  
隋隄官柳多淒緊  
怪底歌聲遶畫欄

吳淞舟夜示泉之

歸人嘆無寐  
抱影對風漪  
暑退蟲翻怨  
潮生蟹預知  
飛來一丸月  
話及四更時  
世事浮雲幻  
迢迢丙舍期

胡上舍秋江鼓櫂圖照

釗公愛結松江宅  
瘦馬東華竟十年  
淮約水仙並來往  
鱸魚香近稻花天

柘湖之南烟滿林橘葉葦花愁遠心樵風引入碧天去  
中有權歌何處尋

船尾船頭埽座頻琉璃千頃夢離塵持螯子是支筇手  
又作秋山采藥人

### 錢塘初發

江路西南未扁舟意不忘半生魚逆水孤夢鳥隨陽敗  
葉紅然岸飛濤白漫塘越山青數點吾鬢媿蒼浪

### 月夜抵富陽

兼山縈暮青人影在江上夾江楓柏林清淺映廻漾微  
波寫羅羅大地圓盎盎沙頭眩虛白膠杯復誰傍誰邊

疎火生續斷沉漁唱新安好山水首路喜無恙雙成井  
蚤堙井西宅徒曠感築壘相聞寒流枕悵悵

富陽

短檣樟亭外臨江勝賞紆沙寬明柏葉潮冷斷鱗魚畫  
訣間從悟山心靜與居一灣邨岸轉前去定何如

入七里瀧

赤亭戒方舟春蠶臥幽翠撇漩逆浪行票姚晚風利雨  
甕導千澗九淵束孤隧前峯引相綿中谷入逾銳迅悍  
絕旁趨孱顏怵下墜窺蓬微罅天聽漿虛殷地繡林冠  
陽厓錦石布寒泖滔滔渠春轉歷歷徑樵閑懷新旣移

眸戀故或轉睇悟彼智仁樂釋茲良坎義誓將桐君隱  
欲從巖陵逝鼎鼎感浮塵消搖遣煩累

桐廬夜泊

桐廬真僻遠想像戴公居隱蹟六朝上鳴瀧七里餘人  
家收柏實沙吏驗春車宜有山樓者磬頭寫讀書

東嶺上微月始知山亘橫幽輝射篷隙見底一江清曾  
讀狂奴傳兼懷節士名兩臺雲木影扳坐遲平明

九日西臺懷古

如此江山外輕帆入太陰黃花陶令節朱鳥謝公心睇  
髮從遐尚招魂失故林一枝竹如意悽斷不成音

胥口

水轉山亦從松門鋼深墨陡落雞犬聲籬聚在巖壁  
緣躋上頭跟肘互爲力目窮放舟處倒壓未崩石斷無  
魚鳥游頗有虎狼跡百灘知東行放膽與之逆一舍成  
淹洄川梁嘆安適羈心吾日滋竚望沒歸翼

嚴州晚泊

建德非吾土斯言愴孟公如何漁浦夢仍遶釣壇東郭  
轉雙峯合疊高一瀨通自厓吾未返江上怨青楓

汝步

枯林團敗藁孤漿就邨烟蘭性移盆賤鹽精裹簪偏看

山宜此地爲市記何年指點如羊石金華是洞天

上灘

客行石上水舟漏岸不輟舟中水較多江底水欲絕水  
壯石猶狠水殺石逾劣萬石圍寸灘如木堅多節波臣  
千里來奈此鵞卵裂巨者蹲後倪與水競蹄齧相持驚  
怒雷一決遽凌瞥我舟剝木爲齒齒就危顛齊作過楫  
聲三版付雕鍛涼秋草木彫鴻雁哀音歇新險試輕身  
惶惶汗漿出

龍游

林橘變清霜灘灘響碓林灘魚無一寸林雁有千行姑



茂雄封盡龍邱隱蹟長自憐風帽影杳眇隔錢塘

衢州多橘林感寄泉之

秋色無高下懸金顆顆明他鄉逢社橘此味敵襄橙懷  
袖嗟難待封題計未成駢頭宜薄采陸吉爾何名

常山抵玉山作

越角吳根帶驛樓故園萸菊冷颼颼生憎六月蛟潭水  
不漲寒江尺五流

一囊一篋擔夫譁錯認還鄉四望車上得竹兜高似馬  
半看山翠半看花

十里亭連五里亭亂雲無數簇圍屏誰知紙閣蘆簾夜

鴻爪分明落草萍

兩厓紅膩收楓子五棱青肥長麥人欲覓渡頭船不見  
鷓鴣簿上曳殘鱗

宿鉛山

畫角聲催晚歸林亂畢逋灘光沈穀雨院影上鵝湖清  
切佳兒楊文公夢荒唐道士符犬牙江戒古悵望夜燈孤

小簫望寶峯山

野水渡西東巖姿四照同一峯懸玉斗千仞碧玲瓏見  
說山亭上能令雲路通目成不可卽惆悵倚孤蓬

安仁

餘汗千折水水盡白沙偏臥犢耕欄徑鳴雞諸蔗田嘉  
名誤潘縣小夢惹吳船行旅還相問華山阿那邊

龜將軍廟

介蟲三百有六十其元血食宮亭濬澤吻磨牙四百祀  
揚靈不數龜山神佑之八面禁風力崇之一瞬填鬼燐  
玉鎮貝壇峙遺廟丹雘白犬通明裡牛其腰圍虎其首  
想見骨節專車輪流聞真人起濠泗武昌鼂以天爲嶺  
決勝尚期金水犯探策或與顛仙親是時將軍擐甲胄  
約束萬怪無淨信艤船未聞項籍返御袍已報紀信湮  
難星芒角且數丈塵戰忘卻寅與申是時將軍役鬼部

御舟進退如浮鱗人言交鋒呂梁日呵護攸賴金龍馴  
番陽之厄孰所脫康山十廟祠忠臣將軍毅然識天命  
枝艣隻船微化身孝陵松柏雖隔世褒封長此邀主綸  
誰其友哉槐將軍正直長拜睢陽巡韋左司有龍山神女歌

### 滕王閣

烟火連霄水榭浮君王遺構冠南州天垂廬阜青紫髮  
地裂宮亭白汎漚畫蜨有緣金粉盡呼鸞何處玉臺留  
高文一代王韓在江郭蒼茫獨繫舟

### 豐城

少陵短歌行贈王司直王豐城人

百花洲畔月苦竹嶺邊雲且聽鷓鴣去相依鷗鷺羣江

聲團浩浩獄氣點紛紛抑塞玉司直狂歌不可聞

樟樹鎮王文成書師處

中丞仗節章江上伐叛飛書四郡聞臥壁條侯眞破敵  
行營裴相故懸軍朝堂水火覘心學祠廟圭卣策戰勳  
大樹飄零人一去儲胥長日擁風雲

新喻雨泊

水驛羅谿近冥冥竹霧滋壤橋欂櫨代破屋覆椶爲積  
潤篷添重將昏爨故遲瀟風送瀟雨孤負綠蓑披

鈴山

鈴岡書院傳炎趙誰使山靈坳至今天上青詞回笑語

人間白簡助悲吟徒遺惡獍成懸首蚤對欽鴟起戒心  
十載清名羞萬古袁江流影代黑眉深

昌山洪閣城君廟

廟有重刻盧肇記秦時溫氏媼懷水濱巨卵  
生一龍後偶以刀傷其鱗龍遂去媼死龍歸  
爲人形就苴經又以媼葬地爲水所侵一夕  
風雨徙至高處按此事見晉太康志許渾亦  
言康州悅城縣有媼龍隨船至人家或千里  
皆以香果酒送之其由來古矣

楓樟如毛夾官渡兩岸元陰黯沙戶黃熊守隊援猷林

一角靈旗浸烟霧行人縶馬闕燭光金鈴火獸羅兩旁  
徑從大巫乞杯玳瑁颯颯雪吹迴廊廊前碑材失唐蹟  
秦女秦娥媼曾識潏統抱甕本何心巨卵團團手提得  
一龍蜿蜒生鱗而投懷遶膝無不爲恩勤詎起刀砮怨  
決起先隨霹靂馳一朝媼死埋黃土有物烏烏淚如雨  
纔化人形就經衰旋移馬鬣封堂芥夙聞媼居端谿  
太康之志吾能稽轉沙成墳得母是升香果酒交提攜  
輶輶東來祖龍閉媼也爲靈享虞祭當時湯鏹數茅焦  
異代杯羹慙赤帝我亦博博素韞人何年鹿兔伴孤墳  
聊尋楚客三閭路一誦盧郎八米文

宜春

讀書志袁州孚惠廟錄一卷  
乃張慤所記仰山二神靈異

百里西京邑茲州遠姓袁臨風緬高士  
睨色下荒原壁破杉毛補田高竹筧  
翻仰山秋社求古徑散雞豚

瀏陽

嶺盡復經川漁商一櫂便亂流  
楓浦外勝蹟鷗亭邊沙磴  
嚶啞轉神祠猥玃連爲言瀏水小  
不竝九江傳

長沙縣齋呈家叔

絲渺湖湘奉檄飛相逢無語淚沾衣  
愍孫顧影悲交喜猶子尋蹤出似歸  
莊上梧桐懷世澤階前芍藥感春暉  
長沙身到非遷客同爲鄉園詠式微



長沙王吳芮廟

漢祖龍興日番君附末光提師糾百越啓宇介三湘英  
布誅還免梅錮將特良關中聽約法城下助摧芒遂徙  
衡山鎮真封異姓王丹書盟赤帝繡壤割朱陽南粵華  
夷判東甌伯仲行雖居卑涇處常企日星旁地小機鋒  
靖祠成肝鬲將金精人縹緲石鼓調淒涼在昔當塗亂  
微聞復羨戕服留端冕貴體較裔孫長磨滅孤忠在沈  
縣五世昌茫茫塵郭裏寫目弔興亡

王爲英布妻父布  
族誅王不與其難

周梅圃送宜壺阜菴

春彬好手嗟難見質古沙麓法尚傳攜箇竹鑪蕭寺抵

紅囊須瀹惠山泉

君住揚州阜茨橋十年罷聽玉人簫憑誰料理春衣污

漲到黃塵淚未消

時周悼亡

漁家清宴圖

輕舸依落霞一夢入雲水晚山有餘妍淡墨點清泚愛  
此菰蒲叢中有釣家子收綸夫奚求洗盞聊自喜相見  
一招呼脫略忘彼此望望青楓林美人杳無已濯足揚  
清歌徘徊訊烟沚

吳學使雲巖

鴻石閣點筆圖

扶輿氣清淑竹箭敷東南華芝旣云秀九莖紛參覃持

之貢齋房煜煜神光合作歌告郊廟盛德昭沐涵  
我我尉陀臺鬱鬱虞翻宅熒熒明月珠十光照瑤席青  
童海上來言導仙靈蹟倚歎羅浮巔煩襟庶消釋

百蠻昨移節杳靄重湖陰方舟我來適氣誼超重深家  
門溯觀樂風雅鏘古音煌煌珊瑚枝茲筆公其任

吾慕浣花翁石闌伴清絕園亭旣幽虛水竹復清瑟撫  
圖愛景光倡采眇流逸儼彼五岳形崇名以爲質

爲蔡上舍題葉四應龍畫菜

菜把初分菜甲披太嘗生世一齋期停杯忽憶谿園好  
如此風光付阿誰

秋韭春菘美若何  
鵲紋綾上墨痕多  
不妨戲語留公案  
一唱西風菜葉歌

酬武陵朱

景英幼芝

美女游漢濱  
傾城照衫服  
含情解珮璫  
晚在園獨非  
不希自媒守  
身貴如玉東  
鄰嫁專城  
妖冶動鄉曲  
始合終亦離  
莫沈獻身辱  
卻立東西廂  
綿綿眷芳躅

絳雲麗霄漢  
舒卷頗自如  
仲尼晒牛刀  
陳義良區區  
吾觀文學選  
每爲循良儲  
八閩萃文藪  
各各懷璠璣  
君行武夷曲  
要眇仙之都  
復來麻沙鎮  
銳意徵遺書  
譬諸入槐市  
禮樂器有餘  
錢我方緼袍  
五老時相於

林蒼巖冷諸公

冷堂上琴矯矯雲中鳧誦言仕優學此效收桑榆  
楚風雖未采周南錄江漢朗州維大藩荆湖挾壯觀士  
族緬著滋兵氛痛流竄若生屈宋後努力別叢灌說經  
亦紛綸拈地更條貫手掇芝蘭英沅湘森以漫余至君  
亦行整合悵長判他日懷道言理絃媿三嘆

鐵瓢道人歌

古瓢團團熨寒玉一勺滄波溜晴綠蒼龍抱影蟠水雲  
白虎揚精貫匡谷天漿倒瀉春溶溶一酌再酌魚噉噉  
坐令蒜髮變霞臉鐵君何必非壺公道人不解六州鑄  
瓶鉢垂垂鍊丹去舉頭高叫炮媧星信手千金挂谿樹

陳孝廉雨牕夜話圖

北風生夏涼夜氣集虛谷清響何寥如疎雨滴修竹池  
塘半畝餘中有隱君屋熒熒耿一燈款款戀三宿遙遙  
瞻河漢此意與誰告誼友懼平生情話起相續願言行  
入山秀色引朝沐無寐枕流波泠泠眷幽獨

顧上舍梧桐秋思圖

明珩高不極一葉墮幽襟紺髮散秋影石牀清道心君  
家滄海曲小泊洞庭陰松菊歸來否悠悠抱玉琴

蒿坪南齋種花圖

塵勞非夙心虛門掩苔色薄倚東軒東或臥北牕北南

齋數弓地永日少人跡曉來單袂涼微雨潤松石斐然  
見華滋生意此安極緬惟齊民書地利迨纖悉種花若  
種苗荷鋤眷幽寂俛仰機愈靜童冠興不隔日余促刺  
多無與數晨夕風信終自佳花南展茅席

白華前稿卷第三十一

南涯

古今體詩南船集二

上章執徐

雲巖學使遺緬茄核

洋頗黎鏡石螭蟹助公赤水珠探驪南方草木更靈怪  
茂名植此綠山蹊方秋結實樹百顆撥取未假扳唐梯  
剝膚剔髓核始露品壓相癭卑瓠犀爪之不入發鏗響  
以摩左右眉稜低色如松煤奪金絢狀若繭栗芟華穉  
得毋乖龍墮雙目華陽一抉風雷悽緬爲揮國隔瓊海



兼越金齒包雕題一從潘仙妙游戲移種初不憑輪蹄  
方瞳映采看人世茄花茄葉紛萋萋維公仗節瘴江外  
罩眼無復紅紗迷麻茶欲勸吾得此君山湖上窺端倪  
橐駝背腫詫聞見呼作荔枝真醞雞雖然市馴雜真贋  
其顛點穴堪參稽目盲五色古垂誠稱名毋使癩茄齊  
碧眼胡僧倘相識一刮蚤勝黃金鯤

賞齋風泉清聽圖

昔聞逍遙公今住逍遙谷花露滴芳寒茄茨水雲綠  
歛傲延清聽樓遲賞妙姿何當望衡去而面寄相思

南國榮芷蘭幽香被廣澤縱無秋實期春華世所惜美人通蹇脩徘徊日云夕迢迢契神理孤影抱青壁雞鳴念風雨執手慰疇昔相見苟相親一言固金石遭擯非自今觀化信吾適嗟彼卷施草不采更狼籍

時文經義餘其言稟先正操觚苟率爾鄙倍害斯競吾弟昔南浮養氣少寧靜多君振緒言手攜面猶命聞當操觚時貌恭而德盛卽此真意多冲養在情性清廟奏朱絃末由助良聽坐見數青峯微雲太空淨

畫扇雜題

竹墩諸葉數風流親泛靈查大九州卻寫吳興騎馬處

淡烟疎雨白蘋洲

沈銓蘋洲秋思

東莊高士性迂寬建德清遊似夢看一箇烏篷三月暮

畫眉聲裏下嚴灘

王昱春江放艇

漁父臥水花橋暗牧笛橫風草陌熏一種相思忘不得

謝家團扇敬亭雲

梅士棟敬亭雲氣

載酒澄江事已非玻璃寒浸釣人磯文鴛翠羽看無分

檢付西天壞色衣

僧道真水墨敗荷

嶽麓

尋山先渡水水外幾峯青一脈趨喬嶽孤光落洞庭濤

松風瀉磴岸芷月闌汀沈杜留名處吟猿細細聽

張穆明皇六駿圖

五花滿身汗滴紅駿足怒走雲而風飛香六輦勢騰蹕  
誰續博物閒羣聾鐵橋道人愛神駿使筆如馬馬如龍  
一匹袞塵兩匹斂旁有兩匹騎嘶同其一顧影理風鬣  
駱驛都有奚官從高睨睇青鏡夾攢蹄嘶壯金勒鬆  
臨淄大王本龍種初政邇勉勤清鐘西域天馬歷無阜  
毛仲監牧屯肉驥此駿卻從大宛得象背譯貢來重重  
曹韓師弟氣凋喪房駟星精光奕熊人間禍福倚塞馬  
漁陽突勁臨關中王孫斷鞭泣野老荔枝飛騎塵埃空  
豈無青羸萬里走蜀棧板牀妙舞難爲容嗚呼太原公

子真英雄昭陵六象高龍從古來守國不恃馬申鑒一  
二驚心胃

益陽酬張質齋

煥

山徑緣迢迢孤筇逐去樵柴門連竹隱松艇隔花招縣  
僻官差暇和輕俗易饒登樓照潄水須把玉琴調

沉江

一簇魚鰕市居人指縣門紅利吳俗賤白芷楚騷尊  
緊歸湖緩沙明帶漲渾壓江城未起愁聽水鳥昏

次韻送邵編修叔弓

齊燕

自粵歸常熟

正說離支熟君何下瀨還湖蒸青草闕秋送白蘋間粵

女珠邊浦湘靈瑟外山行藏樓一倚合住五湖間  
小隱鄰吾谷田瓜五色凝鱸香生短艇雁語入孤燈詞  
賦先型在科名後輩增自來遷客地相送易沾膺

黃茅驛曉發

肩輿昇殘夢月落夢亦醒虛白逗巖壑幻作濃氛蒸不  
知石間路但辨松際聲林鳥解迎客蕭蕭飛兼鳴聞香  
淡無際人境含餘清白蓮在籬落露重盤猶傾暗泉吐  
瀾瀾新水流泠泠悞落畦稻間巾袂涵一清暑程易貪  
曉雲歎能無情朝日上東嶺言餞衡山城

响巉碑

湖南貞碑費響拓嶽麓寺與浯谿灣孰咨夏王竄謨典  
天假神物留荆蠻七十二峯鎮岫嶠火維爍燭靈之還  
庚辰親授表荒弼鑄鼎不復逢陰姦雲根衆日奪金彩  
石髮漬雨浮花鬣羣真來朝代撫護五緯曜化星斑斑  
何緣落影蔡侯紙朱鳥努啄豐毛豨神寒骨重入手貴  
橫施中斷分行艱我聞出德不矜伐鐫功底事披茅菅  
碑以麗牲樹祠廟大書深刻皇未嫺嶧山泰山體如創  
羸顛劉蹶皆凝頑元圭白錫宛委墜蒼玉那撼靈威鏤  
卽如會稽植窆石詎有赤字垂旂瑞退之好奇肆搜索  
事嚴跡祕梯莫扳道人獨上偶然見此語曷足砭塵寰

釋文四家起何代孤離附會詞常刪古文中文東高閣  
捧土謂塞盟津潺韋侯述書獨遺此輦致焉川牛蹄股  
喜其形體劇精整每使畫壯窮迴環玉簡祕文白馬享  
羽淵枯淚黃能潛儼予洛水切飢溺巡陟正夏稽虞鯀  
猿狖深樹夜噉噉鵬鵠幽嶺晨啗啗一碑百吻辨眞贋  
嗟爾空復高髯顏編摩論世轉惶惑以潛天柱爲衡山

得家信

意外逢黃耳平安字未磨尚嫌題挂漏翻覺到蹉跎遠  
使沈浮易他鄉感慨多殷勤置懷袖一日三摩挲

石鼓山六詠



十鼓尊岐陽存九失其一何年化爲山肩屨負江出雍  
雍袍袖徒勸學事佔畢

右石鼓書院

雜樹蒼濃霏雙流闢寒綠亭皋見江底點點撈蒲局有  
時晴望開五峯秀雲族

右合江亭

巖扉因自然鍾乳滴蒼洞洞真來不來題字密無縫無  
嫌牛後譏仙鼠費迎送

右朱陵後洞

西峯蔽東日而何谿是名其下帶烝水其上排風亭發

興挾苔蹟鳥汚流石坪

右西谿

陂陀如伏螯出奇擢仙掌巖姿秋颯然湘岸打雙槩誰  
歌欸乃歌日落四山響

右東巖

五賢麗五星聚奎聚可數因循成七賢把臂列堂廡豐  
川何代儒我欲叩桑主

右七賢堂

回雁峯

曉瞰湧宿霧萬象幻陽昧孤峯蟠火維嶽路首南戒超

然振風翰身出亂鴉背千丈循石梯三折上金界餘峯  
七十一一走江介矯爲赤龍翔聚作紫鴛對差參萬  
廬井江影細縈帶高標納羣媚湘東境斯隘沙門壽無  
量幾劫闔人代倏寶射陰飆有衆效膜拜雁賓非宋鶴  
焉肯自郊退靈區競雄長故實多附會舉袂翻天風前  
山雨澍澍

歸抵衡山雲巖學使約登祝融看日出會他事  
不果

絕頂朱陵限翠微沙頭津吏候停驂年來腰腳便疎嬾  
恰與衡陽雁退飛

興盡船迴調不孤。平鋪風簟細傾壺。祇防好事人嗤點。  
偷寫湘帆九背圖。

秋雨連宵潤石苔。不煩默禱見雲開。若教身到廬山裏。  
那識匡君面目來。

聞道天門誅上征。扶桑夜挂九枝明。龍宮海日尋常見。  
卻使吳儂傲楚儔。

### 送陸慶波秋試歸杭

綵筆驚辭屈宋鄉。與君照影共清湘。試沈朱李陪吳質。  
忽唱斑騅送陸郎。畫棟珠簾江上路。龍宮鷺嶺月中香。  
明年此日看花會。目斷音塵慰屋梁。

南嶽配朱鳥得朱字

星鳥尊南斗名山協瑞符去天如太自得此已離朱銜  
曜黃輿麗垂雲紫蓋孤龍身廻微嶺鶻尾絡荆吳影共  
湘流轉文隨禹蹟摹羸糧禽夏遠秉璣祝融趨積氣滋  
斑竹成形化赤鳥砂牀君試采寫奉嶽靈圖

竹兜

截竹芟枝結縛牢青絲絡腳版承尻遮無四壁看山便  
挂有雙瓶對酒豪上去笑同驢背穩坐來驚似馬頭高  
他時準入陶公社欲倩門生舁幾遭

重遊嶽麓寺

嶽圖矯如龍數百里騰伏一支負地陽筋骸得所束我  
循回雁來雲影蕩心目入山雖不深摩頂躡其足日冷  
交青松坡荒綠苦竹蒼山靜無聲隱隱振竝讀卽以勝  
賞論亦可壓白鹿清湘鳥下流澗翠杖前沐拾橡隨狙  
公行勝路差熟起逐道林鐘繩牀夜期宿

沈洗馬 宗敬 烟江帆影卷

清簾疎簾護綠蕪豆花棚底雨糝糊無緣乞與湖南紙  
寫徧瀟湘八景圖

岳陽樓迴洞庭寒萬里商聲木葉乾憶放三高祠畔艇  
蘆花明月蓼花灘

自述  
誰伴王孫挂薜蘿  
彈琴采朮老巖阿  
山栖也是幽人分  
懶對疎汀著鷺蓑

二沈雲間鶴出羣  
清門父子共能文  
饒他疊嶂烟江手  
吟到腰圍瘦幾分

### 湘陰

水緩三潭淨孤城  
枕綠漪市烟羅子  
國陰火左徒祠候  
雁依沙急吟蜃怨  
曉遲此鄉魚計美  
不必問官私

### 汨羅江

北風吹水立山鬼  
晝聞語憂來浩無  
方焚聽邁孱主公  
族冠景昭寄託重  
心膂沈淵葬魚腹  
招魂劇酸楚至今

起哀嘆風俗競簫黍夏首血汾陽畢命亦吾土九死心  
既專一篇意彌苦長潮波滔滔平沙夜莽莽二江縈合  
處慘怛戒津鼓猶有滄浪漁舫出烟隔

郁雨堂姬人遺挂

薄病輕愁水不如掃眉人在對門居桃根桃葉天生好  
枉度秦淮夜色虛

玉釵恩重昵褰紳服散清齋迹未真記取玉羅噎格影  
銀缸斜背照雙身

白門淺柳閣輕寒丁字珠簾亞字闌學得玉簫沙嫩死  
影堂今日大家看



十里歌鶯滑板橋  
鷺離鷓去可憐宵  
憑君漫洒青衫淚  
多少風流送六朝

南泉寺

南泉山幾轉蒼靄入  
雙林敗葉秋微脫  
酸醞書獨吟地遙孤  
策緩風定一鐘沈  
莫厭名僧少能言  
屈宋心

黃陵

黃陵山上黃陵廟  
帝子遺蹤孰是非  
歲有巡方稽五月  
人言葬令殉三妃  
蒼梧雲氣沈孤嶺  
斑竹啼痕泣夕暉  
湘水迢迢何處問  
寒塘淺草鴈鷺飛

磊石洞庭神廟建文二年鐘

湘陰縣東北三舍高浪怒與乾端摩有山四出鎖其口  
與水搏擊生漩渦怪游雲物劇搶攘維神端冕垂青緇  
紙錢緯緯陰竇祕翠旌獵獵風竿多岳公瀆侯載常祀  
廟號亦足驚皇媼滿來默禱冀神貺兩廊鐘鼓鏘鳴和  
東廊之鐘更雄特中容百石紋盤螺建文紀年革除後  
磐治敲缺存戈波真人一昨起淮劍手奠鐘虞維山河  
沖人嗣國政無缺沈埋秩望馳交珂景陽樓前報清曉  
恬熙上下登旅禾於時金沙廟先祀道人有道移高坡  
三千帝釋衛龍象八九雲夢兼彭鄱功成志喜詔鳧氏  
林鐘銘語爭鬼戕帆檣職貢達王會牲醴肸蠭驅天魔

千秋萬歲保眉壽神功帝力長爲呵豈知豎儒誤人國  
祥金躍冶夫如何袞龍蚤聞化回祿烏鵲焉得朝牂柯  
遺民私祭淚流沫史臣執簡詞嬖嬰此鐘有靈抱遐恨  
不逐高燕歸鏘磨僅偕霍山廢碑一天荒地老纏藤蘿  
文云守令迄丞尉以次助鈔相網羅磊石驛官其姓顧  
堪補掌志參羣譌唐時南嶽九真觀一鐘破壁飛蛟鼉  
此間下臨洞庭水毋令變化穿禪窩毘嵐小劫四百載  
薊子那不悲銅駝開平金甲等珍尚响螻蛄赤字同摩挲  
長陵遺鐘覺生寺見者一唾輕么磨悽然憑弔沾呼洵  
陰陽鑪炭遑知他叩神風便十餘日清響夜落寒山阿

南嶽志唐乾元中九真觀銅鐘忽不見旋得之觀  
外池中其蒲牢已缺右足蓋與青草波龍鬣傷此

中秋夜渡洞庭寄雨堂

銅盆灣口蠟銀窩手引筇篻阻渡河惟有江東謝希逸  
推篷看煞洞庭波

荻蘆浙浙響無眠漁火三更水拍天一等江湖狂杜牧  
阻風中酒問何年

慧川梧竹圖照

廣川無滯流浩歌無緩節方同瀏江飯復此巴邱別念  
子傾蓋初理翰始束髮牽絲一游楚放衙頗清越繁陰  
池館生湛影竹梧列朱鳳在瀟湘龜勉照修潔所處雖

不常心期庶同轍源清流自澄安肯混混坐對琅玕  
姿洵美忘言說方秋江上行木葉感微脫清勝疇與同  
薄帷鑒寒月

洞庭湖

秩望遺三楚輿經長五湖淫淋蒸北夢瀕洞所南都辨  
域星躔陷浮槎漢渚紆倒流滄海上蓄勢大江趨青草  
埋雲壯蒼梧聲浪孤乾坤浮一帶日月弄雙珠地阻三  
苗恃波長七澤輸錫龜陪橘柚飲馬靖桂村張樂軒宮  
震傳書廟社爭沙寒平落雁風定遠迎鳥鷺尾稱名小  
龜山氣象殊岳陽城下路決背待吾徒

岳陽樓

韞門突兀壯南溟百丈丹虹一客星宿霧晝沈三界白  
驚濤騰浴九疑青重重島樹圍荆野點點江帆掠楚汀  
好在平湖天八月澄蘭沅芷送芳馨

君山橫翠隱層波賣酒人家傍薜蘿遠道風烟投鵲雀  
中天日月避蛟龍典稽蒲坂巡方遠怪涉錢塘破陣多  
爲問長蛇侵食處如陵封骨近銷磨

新隄

洞庭新出險江店望如雲遶屋黃甘樹鳴機白苧紋到  
門湖八月爭界邑三分漸近題襟處推篷倚夕曛

赤壁

浩浩荆襄走駭雷曹公會此挫雄才一江龍虎三分國  
千里旌旗幾劫灰折戟埋沙春溜長飛鳥遶樹月華廻  
片帆我是思歸客誰挂東風出浪堆

嘉魚道中旧家

楚天澄夕陰荻漲縮寒水蓬門臨水開歷落見田里紫  
芋魁漸收烏菱角交綺忽聞鳥雀喧場有紅鮮米老農  
性敦愿僅解辨雞豕扶屐出烟中荷蓑入雲裏迺長  
稻孫一陌散秋綺湖南歲云早風景恐無此賓鴻翔自  
南行役庶有止飯稻復羹魚吾將釣中沚

泊東嶺聞歌

青楓渡口木蘭船如此江山老鬢蟬  
聽到楚歌聲四起一天風雨下晴川

大別山

二別如二方名與荆衡抗小山冒稱大功在扞溟漲精  
非元武應勢與黃鵠向漢流下三澨洶涌少隄防卻從  
波靡餘屹倚一夫壯併力吞大江磯激不相讓彈壓兩  
瀆神朝宗肅肅圭鬯涼秋杖杖登烟井射晴嶂飛鷲影迢  
迢伏竈氣行行黑檀今不存鐵鎖木難障南條尊三江  
新義發昭曠

陳司空說以彭蠡爲洞庭  
卽三江之南江其說甚辨



芒起招愴

爲人題扇而誤書其名詩以解嘲

齋壁脩脩竹蔭虛數行蛇蚓連崎嶇江湖名姓流傳易  
里黨行儀胥接疎揮翰要同金錯贈發函如附石頭書  
轉喉觸諱尋常有迂誤何時得痛除

鸚鵡洲

素車遠迢迢風濤壹何怒征橈慘不發醜酒古賢墓福  
生推遣往北海盛延譽方其援鼓撾單絞體全露百年  
憂患餘保身頗不惜能言學鸚鵡外膽豈惶怖魂游漁  
陽臂魂復漢陽曙墓北洲亦積尋烟漁艇渡

王櫟門爲子覓鹽課船

四照明羈館神珠湧漢皋若爲投分晚終遣和音高古  
誼要瓊佩機心笑桔槔牛鑿復馬磨千載德同操

江郎兄弟石

賓谷

相見自衡陽道爾題襟好愁余阻水

長洞庭波信遠牛渚月華涼乞與租船坐吟情訝許狂

武昌懷古

左控維揚右擁梁朝宗江漢鎮衡陽周家班爵遙封子  
鄂國分支競偕王八九澤吞從獵盛五千地擁合縱強  
如聞貞靜歌游女雲雨何緣惑頃襄

分鼎堂堂一世雄略憑帳下據江東父兄有業歎能繼

臣僕雖稱幸未終鐵鎖盡銷偏  
霸氣錦帆曾颺大王風  
從來吳蜀依唇齒  
荊州也費同

僭偽紛紜篡弑頻  
謬將草澤當楓宸  
時非逐鹿重稱漢  
邑有鳴孤一姓陳  
陳底舳艫波沸鬱  
座間牀第彩璫霏  
九家漁艇重湖險  
請看荏苒總滅身

箇箇菁茅錫貢標  
楚鄉魚米盡

即忍切

豐饒乾坤此處浮

南紀華夏當年限  
北朝好與歲時參  
古記未聞風詠采  
輕昭胡牀小座塵  
埃遠遍數寒更月  
滿宵

黃鶴樓

南紀滔滔極望恢  
樊山鄂渚境全開  
白雲客見樓興廢

丹路人騎鶴去來三峽風濤浮露檻兩城烟樹入春杯  
樓空鶴去非佳句心折青蓮賞別裁

豁達雲衢信太清楚天無際八牕明招搖翠被孤舟影  
縹緲梅花一笛聲鳥鵲南飛初月上大江東去晚潮生  
雄風易散仙蹤杳萬里空餘濯足情

臥次過黃州

著屐徑須登赤鼻挂帆笑未泊黃州臨皋道士如相問  
月小山高付夢遊

道士洑

昔聞崑崙奴入水飽蛟沫孟公書畫船落膽爲西塞又

聞張志和魯公習酬對其地在吳興輿圖遂附會危亡  
道士磯不比散花媚天風吹大江峽影黑電霹卸帆避  
巖石三老凜風戒默燒太平紙陰火照盲晦懸厓穴蒼  
鵲決起勢洸潰衝波攫老魚奮與漁蠻對模糊楓桂林  
鳥污白炯碎回瞻來時路數轉失山背亭童諸佛頭未  
了背可愛指額到蕲春笛材激虛籟

淞源夜雨寄懷吳楚諸弟

楚火微茫楚霧明  
繩牀三處夢難成  
打篷幾陣瀟瀟雨  
誤說腮前落葉聲

富池甘將軍廟

滄流醜血逝泯泯百戰驍騰帳下身歿後精靈依錦纜  
生前事業近黃巾折衝蚤識沿江戍殺賊終須上岸人  
傳說葭萌封墓永縱橫鴉陣此迎神

雨後重遊琵琶亭

雲氣微開霧氣連楚江風樹繫吳船重尋翠袖金尊地  
一看黃雞白日天禮像僧殘香火閑拓碑人去土華鮮  
多情猶有淋鈴響滴遍清商入四絃

彭澤北山觀音閣

天寒落風葉江氣涵遠清機舟就人境柳外墟烟升老  
馬飯枯草孤鴻棲遠江路回山益瘳附葛心淩兢峻嶒

聳萬笏孕結無定形盲風裂其罅欲傾翻未傾鬼工擲  
性命鑿嶂安丹櫓來徑斷杵臼前磴懸觚棱放眼得夷  
曠兩腋翩欲輕小山碧扶寸窅窅揚神靈旁挾楊葉洲  
根蒂浮單蓰毫芒見吳楚插翅盤空冥沿州熟遊地風  
阻今始登下山腳雙輦日暮烟鐘鳴

彭澤晚泊

沙頭西照逝茫茫病葉疎鳴柳萬行好在山城漸粉堞  
不留風雨作去重陽

斷續高低幾雁繩蘆花楓葉冷難勝江南江北秋如許  
一抹紅霞是廣陵

白小紅鮮爨火開孤蓬斜湧涇銀堆小姑居處如眉月  
今照行人八度來

洛社

誰占香山洛下名芙蓉湖畔白鷗輕野僧倚艇晚求食  
拂面水風紅葉鳴

過惠山下有感

十年前返秣陵遊喜近西風落帽秋松徑蘭塘九龍影  
茶鑪酒幔二泉流地連邨郭開圖書候變朝昏起權謳  
今日鄉關太無賴零砧斷角赴扁舟

高自栢

景光

長江萬里圖



練塘高侯今達夫漁樵草澤追孟諸當門園柳肥雪鱸  
塔影倒射金泥塗玉鴉叉展長江圖躋道儼乘龍鹿盧  
濫觴嵒崿包沫瀘象馬盪決衝蘊巫伏鼉大別南紀漿  
約束百怪朝歸墟靈潮九派紛于于海門遠提搏桑株  
誅蕩上征羊角扶干斛萬斛中央驅長年虎毛虬者鬚  
迴颿搥鼓驚天吳君也窮眺清兩矚竦身獨峙形亦厖  
足若沙鷺翹跼踣爛銀細作韡紋鋪魚尾斷淑明脣瑜  
船頭玉徽船尾壺洞簫四裂聲嗚嗚波深月黑依菰蒹  
餓蛟攫人如攘瑜劍具怒挺崑崙奴駕鵲鵲鵲鵲鵲  
窺人耦居猜亦無往年燕市尋酒徒名倡利徒挾瑟趨

井公百局爭屠蒲窮停健兒鼓嚨胡笑控樞頭生馬駒  
連鉞巧貫雄赤狐朔風卷喉鳴鞭狐生世不曳侯門裾  
歸哉一別漁陽沽哆口欲吸西江枯元龍湖海心膽麤  
黃神越章按祕符具區宮亭起重湖水仙來往浮以桴  
旗亭妍唱非皇荂而我服奇辭縛拘鑿穴竊晒臺佟愚  
豐隆狎獵馳幅蒲渌若黃間離鑊鑊金焦才立靈所都  
石城雄踞創於菟皖公影落三升觚春濤忽沸鐘鐸鈺  
彭郎前夕迎小姑單椒蘊蘊抽華跗映源廩蘭交支吾  
武昌楊柳青回蘇若亭黃鶴翩城闌乞與仙者榴皮書  
岳陽壯觀吟朧殊君山一點蒼珥玕飛魂慘淡遊蒼梧

密簪昏林號鴈鴒登臨緬古悽不愉漢皇射蛟空舳艫  
曹公橫槊啼夜烏鬻流鐵鎖沈芟芘金粉六朝飄梗蕪  
麾扇擊楫同悲歔悠悠飛雁與浴鳧披者獨速又嫫媿  
否卽端隱耕烟居勇圖作佛齋南膜坐閱涼暄忘且茶  
中流何必干金瓠君言如響鼓答枹吾家東海頭奧區  
乾端坤倪呈驗噓靈樞傍日君不孤更出賦手追元虛  
訪徐蔭林  
蓬簪覆松舟停潮不自由鶴群流別浦楓葉脫高樓熟  
路輕還往遙情重贈投男兒多意氣珍重佩吳鉤